



KEMENTERIAN PEMBANGUNAN WANITA,
KELUARGA DAN MASYARAKAT

SIARAN MEDIA

WANITA TERUS DIPERKASA MENERUSI PEMBANGUNAN EKONOMI DAN TEKNOLOGI DIGITAL

KUALA LUMPUR, 12 Jun - YB Dato' Sri Hajah Nancy Shukri, Menteri Pembangunan Wanita, Keluarga dan Masyarakat hari ini merasmikan Program Wanita *Gig and Business In Technology* (Wanita GIG@BIT) yang merupakan inisiatif kerajaan untuk memperkasakan wanita dalam ekonomi dan teknologi digital.

Menurut YB Dato' Sri Hajah Nancy Shukri, berteraskan aspirasi Malaysia MADANI, kementeriannya telah melancarkan Dasar Wanita Negara dan Pelan Tindakan Pembangunan Wanita 2025-2030 yang merupakan satu inisiatif menyeluruh dan memerlukan penglibatan semua pihak bagi mencipta ekosistem yang lebih adil, inklusif, dan berdaya saing.

Tambahnya untuk meningkatkan peluang dan penyertaan wanita dalam ekonomi, KPWKM memfokuskan penyediaan akses kepada latihan dan pembangunan kapasiti (*upskilling dan reskilling*) melalui program-program seperti Program Wanita Gig@bit, Program Kemahiran Penjana Pendapatan (KIRANA), Program Iron Women dan Program Wanita Bangkit Bersasar.

Wanita *Gig@Bit* merupakan satu inisiatif JPW bagi membuka peluang ekonomi digital kepada wanita dari pelbagai latar belakang, mengurangkan jurang gender dalam STEM dan seterusnya menyokong pembangunan negara secara inklusif. Isu berkaitan wanita dan STEM telah mendapat perhatian di peringkat antarabangsa. Laporan dari *World Economic Forum (WEF) Global Gender Gap 2024* mendapati bidang STEM merupakan bidang yang paling cepat berkembang namun hanya 29 peratus wanita terlibat dalam bidang ini dan hanya 2 peratus wanita mendapat pembiayaan modal *start up* dalam teknologi.

Melalui program ini juga JPW telah merancang pelaksanaan program sampingan dengan rakan-rakan strategik di sepanjang tahun 2025 ini seperti eKelas Usahawan @JPW, Program Pemerksaan Graduan STEM Ke Alam Pekerjaan, Bengkel Fotografi dan Video Digital serta Program Kesedaran Asas Generatif Ai Dan Keselamatan Siber dengan kerjasama antara Maxis Berhad, Canon Marketing Malaysia, Mereka Academy dan Pertubuhan Persekutuan Wanita Antarabangsa dan Industri Perdagangan Malaysia atau IWFCIM, sebuah badan bukan kerajaan (NGO).

Menjadi harapan KPWKM agar Program Wanita GIG *and Business In Technology* (GIG@BIT) ini akan dapat memberikan manfaat dalam usaha untuk mencapai sasaran bagi meningkatkan kadar penyertaan tenaga buruh wanita dalam bidang digital dan seterusnya memperkasakan wanita di negara ini.

Turut hadir YBhg Datuk Dr. Maziah Binti Che Yusoff, Ketua Setiausaha Kementerian Pembangunan Wanita, Keluarga dan Masyarakat dan Puan Hanani Binti Sapit, Ketua Pengarah, Jabatan Pembangunan Wanita.

###

**UNIT KOMUNIKASI KORPORAT
KEMENTERIAN PEMBANGUNAN WANITA, KELUARGA DAN
MASYARAKAT
12 JUN 2025**